



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Natales Sanctorvm Belgii, & eorundem Chronica  
Recapitvatio**

**Molanus, Johannes**

**Dvaci, 1616**

Sexto Martij.

**urn:nbn:de:hbz:466:1-9477**

Em gratis. Ut ipsem testatur in præfatione librorum de operibus sanctæ Trinitatis. Ita vir sanctus, per inuidiam ultra Rhenum iactatus, in Tuitio abbas substitut, & inter Doctores ecclesiæ inclaruit. Opera eius sæpius tribus tomis excusa sunt, in quibus tamen quædam hactenus desiderantur. Est autem Tuitium apud Coloniam transrhenanus pagus, Iudæorum officinæ famosus.

### Sexto Martij.

#### 10. De beata Coleta Gandaensi.

Ex breuilegēda Parisii impressa, interprete Iudoco Clichthoneo, cui subieci quæ Gandaui anno sepruagesimo sexto vidi, & excepti à presbyteris & matre Virginum Coletanarum.

**I**N Bethlehem, conuentu ordinis sanctæ Claræ intra Gandaum, depositio beatæ Coletæ Boylettæ, de Corbeia anno millesimo quadringentesimo quadragesimo septimo. Quæ primum circiter quatuor annos Corbiæ oclusa, vitam egit in magna austeritate & abstinentia. Deinde maturo consilio, & pro redintegratio- ne secundi ordinis sancti Francisci anhelans, à Benedicto decimo tertio capitis velamen & chordam accepit, regulam sanctæ Claræ strictè se seruaturam profitens. Quam etiam matrem constituit omniam sororum, quæ per ipsam reformarentur, aut susciperentur. Sedit is Pontifex contra Innocentium septimum, & Gregorium duodecimum. Sed eius obedientiæ suberant Gallia, Hispania, & Anglia & sanctus Vincentius, magister palarij eius, alijque sapientissimi viri iudicabant, quemque suæ regionis pontifici subiectum esse debere, donec à generali Concilio alind determinaretur. Cum autem sanctos Dei pro felici successu sæpius invocaret, minus honorabat beatam Annam, quod multis viris nupta diceretur, sed postea cœlesti visione monita, sese correxit. Non hic refero quot mortuos suscitarit, & quibus alijs claruerit miraculis, sed ordinis disciplina commendanda est, quam cum sororibus suis in prima domo Bisontinensi, & sequacibus, seruavit. Erant viuentes in rigida austeritate

De B. Co-  
letæ præda-  
rè scribit  
Ioannes  
Nider lib.  
4. Ferax-  
carij c. 2.

F 5 regulatis

regularis disciplinæ, in vera paupertate, nullos redditus, aut certa bona possidentes in particulari, neque in communi. Toto itidem anni spatio, perpetuum seruantes ieiunium, nunquam carnibus vescentes, æstate & hyeme semper nudis pedibus incidentes, arctissima clausura ab hominum turba separatae. Multas superauit tribulationes, tum hominum, tum immundorum spirituum. Inter visitandum autem monasteria sua ultimam hyemem Gandani transegit, ubi sexta deinde die Martij Deo spiritum suum cum summa deuotione tradidit. Post obitum, etsi mulra admiranda contigerint, corpus tamen, pro ut petierat, in cœmterio sine exsequiarum apparatu est sepultum. Vitæ historiam fusè scripserunt, Gallicè Petrus de \* Annalibus, eius & Ordinis Colletanarum confessarius: Latinè, Stephanus de Iuliaco, Franciscanus, Theologus Parisiensis: & Flandrice, Oliuerius de Langhe, Prior ad sanctum Bauonem. Multa etiam vidi Gandaui de eius vita, miraculis, & instituto, publica & authentica Prælatorum instrumenta. Qualia nusquam in Belgio de quoquam sancto exstare puto. In memoriam huius virginis sexta die Martij abstinetur ab opere mechanico, & summum sacrum fit de Deipara virgine, & omnibus sanctis. Quod etiam Hesdinij, & alibi, obseruari arbitror. Legunt priuatim in Litanij, Beata mater Coleta, ora pro nobis, Dicitur etiam Gandsibus permisum fuisse, ut festum eius celebrarent, sed Patres id non permisisse, nisi consensus obtineretur prototo ordine. Quem Gericus celebris Theologus, & ecclesiastes, dum Belgica quædam Ordinis sui negotia Romæ obiret, à Pio quinto iteratò pro omnibus Coletanis, multa virginis encomia proferens, expetijt. Cui Pius optimus pontifex respondit: *Habeam aliqua eorum quæ dicas documenta, & libenter tuo, virginumque sacrarum desiderio hac in parte satisfaciā.* Itaque documenta multa collecta sunt, & à Cornelio Iansenio episcopo Gandaensi suo sigillo, & Secretarij manu consignata, & Romam transmissa. Quæ tamen post mortem demum Pij pontificis eo peruererunt. Vnde res non est transacta; Corpus virginum ad digniorem locum eleuatum est intra clausuram. Exhibitur autem memoriam eius visitantibus grisea cappa, qua vestiri solet. Ex aqua denique beatæ Colletæ febricitantes sepe consolationem accipiunt.

<sup>¶ f. Nata-</sup>  
libus.  
<sup>Eiusdem</sup>  
<sup>vitam car-</sup>  
<sup>mīne scrip-</sup>  
<sup>sit Eligius</sup>  
<sup>Eucharistus</sup>  
<sup>cum vītis</sup>  
<sup>aliorum a-</sup>  
<sup>liquorū 83.</sup>  
<sup>Gandauen-</sup>  
<sup>sium. Excus-</sup>  
<sup>sus est liber</sup>  
<sup>Paris. in 4.</sup>  
<sup>1511.</sup>

2º. De obitu B. Godegrandi, epis.  
Metensis.

*Ex libro de vita eius. Quam tamen non legi: sed multa  
inde citantur Centuria octaua, capite decimo*

**M**Etis, obitus beati Godegrandi episcopi, & confessoris Qui in Hasbania, Galliæ regione, natus est ex patre illustri & nobili Sigiramno, & Landrada, filia Caroli Martelli, quæ soror erat Pipini regis. Literis & pietati operam nauavit, primum in monasterio sancti Trudonis, deinde Metis. Ætate maturiorem Carolus in aulam vocauit, & à consilijs suis esse iussit. In qua functione clericorum & monachorum patronum & aduocatum præbuit. A clero autem Metensi in episcopum electus, nihilominus princeps palatij, & totius Galliæ dux, & Reipublicæ consiliarius mansit. Pallium, archiepiscopi insigne, & potestatem per totas Gallias episcopos ordinandi, à Stephano accepit. Tria exstruxit monasteria. Fuit mitior columba, clementior agno, innocentior vitulo. Habitum vi- lissimo usus est, adeo ut vix agnosceretur episcopus à peregrinis. Cilicio, vigilijs, iejunio corpus suum castigauit, in peccantes rigidus, in pauperes liberalis. Sigeberrus obiisse scribit anno septingentesimo sexagesimo quinto. Qui etiā, in libro de viris illustribus memorat eum sanctæ religionis regulam scripsisse, quam specialiter Metensis ecclesiæ clericis obseruandam dedit. Sed hanc regulam, ut pleraque alias ecclesiæ, sub Vualone episcopo abiecerunt, & facti sunt nomine & conuersatione Canonici sacerdotes, & proprietarij.

Die